

- 6) usvajanje odluke o donošenju izvještaja o stratezijskoj procjeni.

Član 5.

(Izvještaj o stratezijskoj procjeni uticaja na okoliš)

- (1) Izvještaj o stratezijskoj procjeni je dokument u kojem se identifikuju, opisuju i procjenjuju značajni uticaji provođenja Plana na okoliš, zaštitu prirode, zaštitu zdravlja ljudi i kulturne baštine, i moguće alternative, koje uzimaju u obzir ciljeve zaštite okoliša i karakteristike područja na koje se Plan odnosi.

Član 6.

(Elementi Izvještaja o stratezijskoj procjeni uticaja na okoliš)

Izvještaj o stratezijskoj procjeni naročito sadrži slijedeće elemente:

- a) Opis sadržaja i ciljeva Plana, te odnos prema drugim planovima ili programima, a koji su navedeni u Odluci o pristupanju izradi Prostornog plana područja posebnog obilježja Regionalni centar za upravljanje otpadom (RCUO)-Smiljevići, kao i Program i Plan aktivnosti za isti;
- b) Opis i procjenu stanja okoliša i vjerovatni razvoj stanja okoliša ako se Plan ne implementira;
- c) Informacije o mogućim okolinskim problemima koji su značajni za Plan, pogotovo onim, ako su povezani sa zaštićenim područjima;
- d) Okolinske ciljeve Plana sa obrazloženjem njihovog izbora i izbor odgovarajućih indikatora vrednovanja uticaja Plana;
- e) Značajne uticaje Plana koji mogu biti direktni, indirektni, kumulativni, kratkoročni, srednjoročni i dugoročni, trajni i privremeni, pozitivni i negativni, a odnose se na sve komponente okoliša utvrđene posebnim propisima;
- f) Mjere zaštite okoliša, uključujući mjere sprječavanja, smanjenja, ublažavanja i kompenzacije nepovoljnih uticaja provedbe Plana na okoliš;
- g) Opis razloga za izbor alternativnih rješenja sa stanovišta zaštite okoliša;
- h) Program praćenja stanja okoliša u toku implementacije Plana (monitoring);
- i) Skraćeni sadržaj Izvještaja o stratezijskoj procjeni sa obrazloženjem i
- j) Druge podatke od značaja za stratezijsku procjenu.

Član 7.

(Nosilac izrade Izvještaja)

Nosilac izrade Izvještaja o stratezijskoj procjeni je Zavod za planiranje razvoja Kantona u okviru svog djelokruga rada i/ili drugo pravno lice angažovano od strane Zavoda, a koje je ovlašteno za izradu Studija uticaja na okoliš od strane Federalnog ministarstva okoliša i turizma.

Član 8.

(Obaveze Nosioca izrade Izvještaja)

- (1) Nosilac izrade Izvještaja o stratezijskoj procjeni će isti dostaviti na mišljenje Ministarstvu prostornog uređenja, građenja i zaštite okoliša Kantona Sarajevo (u daljem tekstu Ministarstvo).
- (2) U postupku davanja mišljenja na Izvještaj Ministarstvo može zatražiti mišljenje i stručnih organizacija ili, po potrebi, obrazovati Stručnu komisiju.
- (3) Ministarstvo će zatražiti od zainteresiranih strana/organa i organizacija da dostave svoja mišljenja na Izvještaj o stratezijskoj procjeni u roku od 30 dana od dana prijema zahtjeva, a ukoliko isti ne dostave mišljenje u zadatom roku

smatrat će se da nema primjedbi na dostavljeni Izvještaj o stratezijskoj procjeni.

- (4) Ministarstvo organizuje javni uvid, a po potrebi i javnu raspravu o Izvještaju o stratezijskoj procjeni, prije davanja konačne ocjene.
- (5) Ministarstvo daje pozitivno ili negativno mišljenje na Izvještaj o stratezijskoj procjeni u roku od 60 dana od dana prijema zahtjeva.

Član 9.

(Mišljenje na Izvještaj)

- (1) Izvještaj o stratezijskoj procjeni, uz mišljenje Ministarstva, dostavlja se Vladi Kantona Sarajevo na donošenje.
- (2) Nosilac izrade ne može uputiti Plan u dalju proceduru bez pozitivnog mišljenja Ministarstva na Izvještaj o stratezijskoj procjeni.

Član 10.

(Provjera integracije planiranih mjera u završni dokument)

- (1) Nosilac izrade dužan je ugraditi Izvještaj o stratezijskoj procjeni u završni dokument Plana.
- (2) Prije donošenja završnog dokumenta Plana, Nosilac izrade će dostaviti Ministarstvu na provjeru završni dokument Plana u svrhu utvrđivanja da li je postupljeno u skladu sa mišljenjem o Izvještaju o stratezijskoj procjeni.

Član 11.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-30402-14/17

18. oktobra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), a u vezi sa članom 37. stav (1) Uredbe o organizaciji i načinu naplate parkiranja u Kantonu Sarajevo ("Službene novine Kantona Sarajevo", broj 25/16 i 19/17 - Ispravka), Vlada Kantona Sarajevo je, na 99. sjednici održanoj 19.10.2017. godine, donijela

ODLUKU

O IZMJENI ODLUKE O CIJENAMA PARKING KARTE

I

U Odluci o cijenama parking karte ("Službene novine Kantona Sarajevo", broj 8/17 i 13/17) u tački I podtačka a) mijenja se i glasi:

"a) satna karta za zone:

"0" ZONA = 2 KM/h (max. zadržavanje 3h)

Naplata parkiranja je Pon-Sub. od 07-22 sata

"I" ZONA = 2 KM/h

Naplata parkiranja Pon-Sub. od 07-22 sata

"II" ZONA = 1 KM/h

Naplata parkiranja Pon-Sub. od 07-20 sati.

Naplata parkiranja u "0", "I" i "II" zoni se ne vrši nedjeljom, praznikom i prvi dan vjerskih praznika.

Naplata parkiranja na parkinzima sa automatskom naplatom (rampe) i garažama je Pon-Ned. od 00-24 sata.

Vlada Kantona Sarajevo može donijeti odluku da se naplata na pojedinim uličnim parkinzima vrši 24 sata."

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-30826-14/17
19. oktobra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav (2) Zakona o ustanovama ("Službeni list R BiH", broj 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo je, na 99. sjednici održanoj 19.10.2017. godine, donijela

ODLUKU

O DAVANJU SAGLASNOSTI ZA IMENOVANJE
DIREKTORA OSNOVNE ŠKOLE "ZAHID BARUČIJA"

I

Daje se saglasnost Školskom odboru Osnovne škole "Zahid Baručija" da se Hamdija Kučević, nastavnik razredne nastave imenuje za direktora škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo."

Broj 02-05-30826-10/17
19. oktobra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav (2) Zakona o ustanovama ("Službeni list R BiH", broj 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo je, na 99. sjednici održanoj 19.10.2017. godine, donijela

ODLUKU

O DAVANJU SAGLASNOSTI ZA IMENOVANJE
DIREKTORA OSNOVNE ŠKOLE "OSMAN NURI
HADŽIĆ"

I

Daje se saglasnost Školskom odboru Osnovne škole "Osman Nuri Hadžić" da se Ševal Dudevčić, profesora geografije imenuje za direktora škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-30826-7/17
19. oktobra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav (2) Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo je, na 99. sjednici održanoj 19.10.2017. godine, donijela

ODLUKU

O DAVANJU SAGLASNOSTI ZA IMENOVANJE
DIREKTORA OSNOVNE ŠKOLE "SKENDER
KULENOVIĆ"

I

Daje se saglasnost Školskom odboru Osnovne škole "Skender Kulenović" da se Esat Erović, profesor tehničkog odgoja, imenuje za direktora škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-30826-9/17
19. oktobra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka) i člana 154. stav (1) i (4) Zakona o visokom obrazovanju ("Službene novine Kantona Sarajevo", broj 33/17), Vlada Kantona Sarajevo je, na 99. sjednici održanoj 19.10.2017. godine, donijela

ODLUKU

O IZMJENAMA ODLUKE O UTVRĐIVANJU
POSTUPKA IMENOVANJA ČLANOVA UPRAVNOG
ODBORA UNIVERZITETA U SARAJEVU KOJE
IMENUJE VLADA KANTONA, POČETAK I NAČIN
RADA, PRAVA I OBAVEZE, POSTUPAK
RAZRJEŠENJA I DRUGA PITANJA BITNA ZA
ZAKONIT RAD I EFIKASNO FUNKCIONIRANJE
UPRAVNOG ODBORA UNIVERZITETA U SARAJEVU

Član 1.

U Odluci o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu ("Službene novine Kantona Sarajevo", broj 27/13) u članu 2. stav (2) mijenja se i glasi:

"(2) Četiri člana, od kojih je jedan obavezno i predsjednik Upravnog odbora, imenuje Vlada Kantona Sarajevo (u daljnjem tekstu: Vlada) nakon provedene konkursne procedure, dok šest članova imenuje Senat Univerziteta u skladu sa Statutom Univerziteta, a jednog člana predstavnika studenata kojeg izabere i predloži Studentski parlament Univerziteta u Sarajevu imenuje Senat Univerziteta."

Član 2.

U članu 3. stav (3) mijenja se i glasi:

"(3) Nadležnosti Upravnog odbora utvrđene su Zakonom o visokom obrazovanju, Statutom i drugim aktima Univerziteta".

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-30826-6/17
19. oktobra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 98. sjednici održanoj 12.10.2017. godine, donijela je